

續修京山縣志

卷之十二

人物志

懿行  
孝友

忠義

卷之十三

人物志

儒林  
義行

文苑

明

屈亨字必亨明弘治歲貢授南城縣丞以憂歸再調醴泉  
在官清白去任之日篋笥惟圖書好周人之急不計有  
無有田一頃躬帥童僕耕之蔬食菜羹歲不自給與人  
處犯而不校然亦不敢干以私鄉人有過惟恐亨知嘉  
靖中知縣胡鳴鑾匾其門曰善行之門卒年八十八  
王爵字天爵正德庚午舉人授伊陽知縣盡心民事一介  
無所取有監司入京諷以餽遺爵自陳狷守其人至銓

京山縣志

卷之十二

懿行列傳

一

曹注所屬賢否遂被中傷免歸課僮僕耕藝足跡不入  
城市親友造者雞黍之外無兼味嘗以世道升降及處  
世所宜修謹之言訓化鄉閭終日亶亶聽者忘倦身有  
敝裘以破甕貯之嫁娶不用音樂奩具數事令僕人負  
擔而已平居好觀數書玩索至忘寢食出入以木杖自  
隨三十年未嘗去手年八十卒

劉棟字吉卿萬曆乙酉舉人屢困公車隨州何相國欲以  
待詔授之謝不就屏居山舍守令無由得見嚴一介取  
與甘貧苦節四十年歲凶窘不能支或餽遺扃戶不納

節操可方古廉士所著有猶賢集歷代史論雜著藏於家

王應鼎字君梅號理齋青浦令頰子性孝友甫十歲執母喪哀毀不異成人隨父任滇蜀每遇棧閣蠻嶂必扶掖其父以行父卒於官櫬過潯江風大作撫棺長慟頃刻波恬人以爲至孝所感與弟揮淚析箸田廬互相推讓生平多隱德適蜀時道旁有人遭掠鼎解囊資其還里又逢旅骨乃南人宦滇者駐馬瘞之里民陳善貧棄其妻鼎爲之贖完且給之饘粥其好善樂施類如此比爲

京山縣志

卷之十二

懿行列傳

二

諸生究心理學多所發明曾註先儒語錄云氣質生來與性依不分善惡總同歸人生而靜何容說纔說性時便已非可謂直接濂洛之傳所著有理學纂要讀史日編王氏家訓藏於家以子吉人貴贈庶吉士祀鄉賢黎民慶字聞吾性純篤嘗正襟危坐終日無惰容獨居一室或從旁伺之雖清夜亦如有所對歲授生徒館從叔刺史家一日宴集名流有妓在客笑曰先生寂寥久矣主人留妓侍君民慶却之不得則曰吾豈以生平守而易此坐終夕明日書一箠遣之其以禮自持多類此平

居非義弗較聞善言欣然如有獲人言弗中必正色勸勉之化鄉里訓子孫皆有法晚尤精於性命理數之學卒年九十三

曹克開字長庚崇禎丙子舉人性簡重敦樸登賢書後布素澹泊不異爲諸生時杜門讀書以節操自守不以請託干謁有司時論重之癸巳謁選奉新令以病卒於京孫光字伯含丁巳舉明經生平貧約自守有先民遺風王應符字君節號釜山明廉吏青鳧之次子七歲能誦記十九首十五補弟子員同兄君梅講學磐石山中喜慍

京山縣志

卷之十二

懿行列傳

三

不形得喪一致儀部良川曰此子有吟風弄月襟懷侍父令滇蜀天末烏道左扶右掖後隨任青浦甫七日父卒符哭絕復甦徵君陳仲醇曰盡哀矣作誌銘以慰子心若夫事繼母敬伯兄睦族黨交朋友其於孝弟忠信往往發乎情止乎性豈非得於講學者素乎棘闈十一次不遇遂脫青衫侶白雲酌斗拈字耄耄不倦所著有採雲樓集怡園小草笠叟迂談如不作風波於世上自無冰炭到胸中漫任紅塵忙裏過且將濁酒醉中眠皆樂天知命語也以子演封大理寺右寺副年八十五微

疾終

尙見初名見帝字泰交號白山幼儻不羣弱冠爲諸生輕財任俠讓父產於兄弟均嗣產於女妹生平豪爽自適人或語及田舍輒攢眉斥去詩文援筆立就書法善二王屢試文場不利未四十鬚髮早白卽棄諸生事遠遊古文詞更邁邁晚年值兵亂家益貧偕老妻躬薪水而嘯吟不輟所著有四書尊經解白山詩文集

吳希元字宗仁大陽畝人年十七善屬文補諸生父茂才倣沒其叔某覬其產造大獄窘之部使者得其狀卽庭

京山縣志

卷之十二

懿行列傳

四

下試文二篇大奇之脫其獄叔瘐死不修怨於叔仍使季弟希貞爲之後隆慶甲子詔擇諸生中有行誼者賜爵一級曰儒官令以希元應詔萬曆庚申卒

節李大泌儒官吳公

墓誌銘

李大泌爲誌其墓

楊烈字希承父石渠卒烈甫九歲哀毀若成人故又號慕渠遊太學爲典客萬曆戊戌入都就除曹掾以後期難之索重賄烈日是欲奇貨我耶棄而歸至大梁卒家人不斂輿以歸殆二旬面如生人咸異之李大泌銘其墓謂烈特立獨行義不苟容里黨無惡聲相加云

節大泌墓誌銘

李維極字滄浪萬曆己卯舉人選南國子監博士李成梁孫以都督就婚魏國公徐宏基家騎過文廟門維極執而扶之李氏蒼頭數十人蹋邸門宏基亦至時江夏郭正域爲南京祭酒斥之曰今天子尙皮弁拜先聖人臣乃走馬廟門外乎且公侯子弟入學習禮亦國子生耳學錄非扶都督也令交相謝而罷

譚如絲字素臣完子少工詞翰爲諸生有盛名見知李本甯宗伯期以遠大性情和藹不設畛域每宴集觥籌在手四座飛動然和而不流雖少峻激亦帶孤嚴其品望

京山縣志

卷之十二

懿行列傳

五

取重鄉閭後進愛而敬之試秋闈十一次兩中副榜晚以貢官漢川廣文卒年七十一詩文散佚僅有存者弟如綸字有秩才情風韻獨步一時素恥治生不爲錙銖齷齪壯孝於親友于兄弟篤於朋友奉母晨昏外惟文史詩酒自娛樂而已父官清白遺產甚薄一聽其兄分析己所應得者推與弟如繡無所取也叔某窮老爲置田廬使無失所死則殯葬之其兩子貧落又卵翼扶植之無倦怠意然性方嚴好回折人過先達夏四益稱其嚴氣正性卓有父風七入鄉闈不中僅以貢終所著有

長恩室詩集

國朝

易大醕字厚齋履泰子以廩生貢成均授棗陽訓導乞養歸里侍大父及兩世父極盡誠敬拊畜諸姪同爨十餘年不析其古文詞縱橫排奐詩歌自闢闢奧所著有周易指掌萬松齋文集沌陽均陽嶺南三草出山草歸田草諸集皆寫藏於家年六十四卒

田衍鴻嘉慶庚申舉人少孤後選咸甯教諭以途遙母老辭不赴官母熊氏苦節六十餘載學使某壽聯云膝下孤

京山縣志

卷之十二

懿行列傳

六

兒名下士堂中壽母女中夫一時傳誦子銓另有傳歐陽瓚邑庠生性敦厚好施與守正不阿鄉里重其名居近賈店集市有酗酒爭鬪者聞其至輒自止子孫列膠庠者縣縣不絕

夏文敏邑庠生品端學優遠近禮聘造就最多著有五經解並周禮文類六篇家貧未梓年七十一卒

吳洪錫原名記鉷字雨皋年十九入邑庠尋補增鄉闈屢薦未售家先裕後約舌耕鋤口教讀城鄉俊彥多出其門年三十二賚志而歿著有讀易心得四書旁註效顰

草諸藁未梓燬於兵燹

周文琳邑庠生家素康性長厚無親疏多爲推解好讀書讀輒以右手撐其首浸久而右肩高不可平其骨性定也讀書務求心得尤邃於易咸豐五年狗逆據德安占易得折其右肱曰是必有險不一日健將劉富成果陣亡平日一言一動不欺人人亦無有欺之者爲文峭直不投時好類其人年六十七卒

吳彥鍾字習之歲貢生性耿直善教誘爲文有法程師範凜然從之遊者皆舉止端方望而知爲某門之弟子年

京山縣志

卷之十二

懿行列傳

七

七十卒子思津姪思灤孫國安皆在庠

羅逢運石牛團人天性純篤事繼母盡孝兄弟五人友愛如一質魯好學年逾四十始入邑庠行年七十餘尙康強一日染疾其隣叟謂之曰昨夢車馬旌旆上帝遣吏迎君矣逢運自夢亦然是日含笑而逝

王海青畝團人性長厚年逾六十艱於嗣妻爲娶妾費百金海詢知爲有夫之婦訪尋前夫給貲送還至七十餘始納妾生一子年九十六見孫而卒

汪宗鑑字保三邑庠生家小裕兵燹後蕩盡安之若素教



授生徒至老不倦書法尤工年七十一卒

王恪邑庠生性友愛兄弟五人恪居長讓產於諸弟以教讀終其身

廩生聶善修十五入邑庠父廩生良植以保考事忤學官遂令肄業江漢書院與同院黃岡李鈞簡最相得後李入翰苑屢約遊京師堅拒不往乾隆庚子鄉試已擬中本房第七名已占房首竟易以他卷自此遂絕意進取孫起瑛庠生起琅恩貢生

陳大珍原名大儒邑監生誠篤好義建奎星閣修關帝廟

京山縣志

卷之十二

懿行列傳

八

善舉甚多尤足稱者倡捐書院膏火百金合以衆捐得六白金存典生息以作課貲復置西菴田地若干詳書院碑子映芝映蘭與月課生童互經理之遂復增二百金甲寅賊擾項懸經叠究僅得鄭姓住宅一棟作抵今改作義倉卽其地也後二子承先志續捐百緡踵捐者亦多膏火賓興得以無缺皆珍倡也卒年七十二子映芝字紫九習經史以目疾老於諸生課弟蘭族弟常夏並著聲稱著有讀書指南聚奎書屋諸稿燬於兵燹弟蕙卒撫其孤至婚嫁而後析次映蘭字芳九性孝友健

於文甲午房薦不售隱居課徒及門知名者衆曾峻軒廉訪其最著也著有靜山詩文諸稿待梓年七十四卒之日舉酒別家人端拱而逝

從九陳仁德樊陳團人同治甲子匪擾南鄉舉家遠避德獨侍老母病不去有雇工陳姓鬻其妻德出貲代贖使得生子成家

黎先達黎家團人湖鄉水荒負販花穀散給貧民不責其逋訓子藍田入邑庠晚尤尙義好施年五十餘一笑而逝

京山縣志

卷之十二

懿行列傳

九

曾克健黎牆團人攻詩書通易數禁其子爲工謂近於奴不爲商謂與人爭利以故家落冬月衣單有以綈袍贈者峻辭不受路遇婦女必迂道而行年七十八卒

徐光祖國子生孫橋里人明大義好施與嘉慶元年教匪滋事輸穀百石募勇防堵於鍾邑温夏口賊不敢入境邑侯擬行保舉堅辭不受

徐文源從九職同治壬戌髮逆入境文源被擄罵賊不輟身受刀傷火傷不稍屈時年七十餘

徐文淵歲貢生端方正直訓誨生徒務品學兼修發達者

甚衆

幸采敕官橋里人幼聰穎工詩古文辭耽史鑑應試不售輒棄去婦死不娶葺舍於宅後寢處其中雖親密罕得見者嘗有賊竊其牛聞之呼子至榻前卧不與語度賊遠始曰得喪有命不可強也塞翁失馬安知非福可勿追其曠達如此年九十餘卒人稱所居曰采敕坡

譚鼇邑庠生少失怙恃性友愛弟病知其不起將家財品作二股自取其瘠者及垂沒召佃減租債還欠券嘗暑月家人獲一盜縛之樹將楚之鼇給衆曰飯已熟汝等

京山縣志

卷之十二

懿行列傳

十

飽食送官衆去急解其縛曰可速逃後無爲此人皆稱其長厚云

李遇春公議團人剛直好義道光壬辰大饑分食親朋有三人力不能娶皆曲成之年八十二終孫以成人邑庠同治甲子破廟一戰幾陷於危亦忠義人也

曹君令幼喪父族奪母志令甫六齡依嫂成立事之謹嫂怒卽長跪如事母然

王彩卿邑人寓居荆門沙洋鎮業石工而好行善事凡其地祠宇橋梁道路有圯壞者彩卿獨任修葺計共八處

所費不貲人目爲苦人荆門進士李光泗爲立石沙洋隄右大道側題曰王彩卿苦人石記

丁式謙邑庠生廩貢丁泰來子性剛直好面折人過地方不避事懼爲所知卽尋常博戲亦革除殆盡屢舉不售遂淡志以諸生終

楊昉禮字問齋邑增生性喜揚人善授徒自給不計束修於寒苦者尤加意提撕從遊成名者衆

汪懋琳字澹菴十歲失怙事母孝舊學宮就圯捐金倡修里有負債難償者輒還其券長子元勳筮仕金陵三子

京山縣志

卷之十二

懿行列傳

十一

元采累官長甯萬載知縣俱勉以官方琳生於楚歿於吳卒年八十有五

汪文璵西城外人乾隆丙午副榜掌教書院造就多士邑侯李華雅重之璵卒日親詣點主一茶而去

蕭金玉西城外人嘉慶初督勇禦教匪保釋株連者多人事竣 恩獎修職郎有功資保障匾額

申杰字南珍東城外庠生性和介教讀外無他務家寒甚負城而居一字不入公門工書法子家驤庠生著有自牧山房詩集孫紹黎亦在庠

增生曾輝吉白馬廟人性恂謹生平無疾言遽色族姓本繁每訓以早完國課敦崇仁讓壽七十餘卒孫昭孔食餼於庠皆忠厚報也

生員李正之長豐垸人年八十猶勤教讀不責束修遇寒士尤格外體卹從遊成名者林立子科福庠生亦遵父行

表正恒羅店人年逾四十無子傾產置後事餘付族眾掌管生息置義塾俾族姓讀書其中又買屋一棟田數石取其租入以供束修膏火之費

京山縣志

卷之十二

懿行列傳

十一

生員尙楨西城外人悉心授徒有從學至三數世者詩書之暇田園自樂年至八十六卒妻曹氏八十五側室楊亦八十六

貢生李家瑞石橋團人性慷慨重學術族子弟貧不能讀者爲延師教之甲寅之變捐貲團練給五品頂戴嗣督修致祥堡保全爲多卒年七十

職員向登雲易向團人甲寅之亂捐米充勇糧守城獎好義可風匾額

查文煥南城內人縣丞銜工計然術壯年客金陵燕京漢

口五十餘回家處諸弟皆令得所待人尤爽直排難解  
紛多爲人息事邑中公事多所勸辦經管同善堂殷勤  
不懈壽八十卒弟文旭邑增生候選訓導性耿直壽七  
十一卒

貢生周德滋曾家團人生性和厚精於醫祇取藥本於貧  
家並不取活人甚衆里有良醫之目

懿行列傳補

孫際時號乾一恩貢生專心課徒足不履城市遠近知名  
士多出其門性友愛尤喜施濟初艱於嗣六十一歲舉  
一子壽八十一孫枝林立人以爲積善之報註有五經  
四書講義待梓

忠義列傳

明

姚善字克一京山人寄籍安陸州初姓李洪武甲由鄉舉

舊志作李善洪武甲子舉人乙丑進士

歷祁門丞同知廬州重慶二府三

十年遷蘇州知府初太祖以吳俗奢僭欲重繩以法黠者更持短長相攻訐善爲政持大體不爲苟細訟遂衰息吳中大治好折節下士敬禮隱士王賓韓弈俞貞木錢芹輩以月朔會學官迎芹上坐請質經義芹曰此非今所急也善悚然起問芹乃授以一冊視之皆守禦策

京山縣志

卷之十二

忠義列傳

一

時燕兵已南下密結鎮常嘉松四郡守練民兵爲備薦芹於朝署行軍斷事善尋至京師會朝廷以燕王上書貶齊泰黃子澄於外善言不當貶遂復召二人建文四年詔兼督蘇松常鎮嘉興五府兵勤王兵未集燕王已八京師時子澄匿善所約共航海起兵善謝曰公朝臣當行收兵圖興復善守土與城存亡耳子澄去善爲麾下許千戶者縛以獻不屈死年四十三子節等四人俱

戍配

明史本傳

國朝乾隆四十一年



賜諡忠烈顧沅洪郡名賢圖傳贊曰折節下士勒兵勤王  
捐軀殉主義炳黃堂

王應翼字穉恭號天樂萬曆己酉舉人知廣東崖州改隴  
州降山西藩經歷遷姚州未赴補許州崇禎十四年闖

賊陷城被殺子國同死節

勝朝殉國  
諸臣錄

國朝乾隆四十一年

賜諡節愍

通志忠  
義傳

應翼嗜學工書著採山樓詩文集十餘

種

舊志

楊文薦字又如號客有父明遇兩中副車文薦舉崇禎九

京山縣志

卷之十二

忠義列傳

二

年鄉試登十六年進士授南京兵部主事甲申三月闖  
賊犯闕烈皇帝凶聞至文薦徒跣哭孝陵撲地不能起  
見者傷之宏光立於南都文薦在散曹奮髯談邊疆大  
事而馬阮秉政賄賂公行文薦每對人嘆曰楊某一腔  
熱血不知灑向何地嗚咽者久之明年五月金陵陷文  
薦奔嘉興又奔杭州禱於于忠肅祠夜夢忠肅爲誦伯  
仲之間見伊呂指揮若定失蕭曹之句寤而喜甚不復  
憶及末二語盖隱而不發也秋九月踉蹌八閩謁唐王  
於福州口畫立國規模戰守形勢一時主臣環拱而聽

授兵科給事中尋改都給事中文薦以閩疆僻陋諸事  
草創將驕兵惰孤危無倚疏奏中外機宜剴切指陳執  
政左右多側目卒擠之於外奉使湖南道出江右丙戌  
五月至贛州時總督萬元吉退保贛州聞文薦至大喜  
引與守城蓋文薦鄉舉出萬公門素知其忠義勇略也  
贛圍暫解閩中賜名忠誠府加文薦右都御史巡撫南  
贛文薦知一軍懸處孤立無援自贛以東望風奔潰進  
不能窺洪吉退無以障嶺嶠兵少糧匱惟有身殉守土  
報主知而已遣家口去湖南桂陽子撰纔數月託其友

曹之鑑撫之曹時守彬州桂陽其屬邑也文薦日夜裹  
甲登陴徒以忠義厲將士卒以食盡無援十月二十三  
日丙子夜半城陷文薦猶帥狼兵巷戰黎明左右勸從  
西門突出曰城亡與亡去將安之揮令散去而自投於  
園池爲騎兵所挽得肘後繫印驚曰是巡撫楊公耶解  
南昌其提督親爲解縛慰曰公撫臣非某等所敢害公  
宜識時毋徒自苦爲也文薦曰吾奉命守贛贛亡則死  
毋多言惟斷吾頭懸西門以謝贛人絕粒數日爲守者  
挾持不得死以酒殺進輒推案撞破之日狂呼以頭觸

柱或自投於床冀折脇死嘔血日數升間慷慨悲吟以  
所嘔血於壁上淋漓書之有身死難消長夜恨癡心休  
教五更思之句如是者旬日形枯骨立鬚眉脫落丁亥  
元旦自知不起強扶下榻南向哭拜畢就榻正衣冠而  
卒文薦生平學問在力行於忠孝大節惟義所當爲不  
喜牽引以撓其志遇親黨有不平事髮指目裂身捍禦  
而排解之終不自言其德卹族屬嫁孤女誅桀黠奴欺  
主幼弱者邑人至今一一能稱之所著有硯嘯苕溪聽

湘諸集好義嫉邪其天性然也

康熙己未舉鴻博  
錢塘王嗣槐撰

京山縣志

卷之十二

忠義列傳

四

乾隆四十一年

賜諡忠節祀鄉賢又祀忠臣祠特立碑於明倫堂西首

王嗣槐曰士大夫讀書取科名其視平日明理道談志  
節與事君使民時若不相涉焉者及臨患難當生死依  
違瞻顧以苟免爲幸豈於人生利害吉凶間自謂籌之  
已熟耶噫何其惑也易有之曰渙其躬无悔又曰過涉  
滅頂凶无咎夫有躬而渙之是亡其身矣涉而滅頂是  
身亡家破而國亦隨之矣悔與吝孰甚焉而聖人予之  
以无悔无咎悔者悔其有身而不能渙咎者咎其有頂

而不能滅也。渙之滅之三，與上以爲吾之志盡而力不可爲。吾視一死如歸耳。以吾占之，雖吉，死不利，莫有大於此者。豈徒死悔死咎已哉？明於理而安於義之謂也。士大夫愛其身以倖免，平旦思之，未有不自悔於心而咎其失者。世之人又引繩而議其後行，鱗名污直，謂之害而無利，凶而無吉，可也。又豈徒悔與吝而已哉？是善道之非害而守死之非凶，聖人特以其身亡事敗，不可以吉，死不利之辭，予之故，直繫之。死悔死咎而已。楊公登癸未進士，丁明之末季，極亂難返之勢，公固已熟悉。

之矣。金陵之主臣荒迷閩疆之苟延危蹙，無智愚知其無成，而況於公乎？贛南塊土公撐拄之，既非田齊卽墨之守，亦非睢陽保據之功。公櫻城盡瘁，至死不悔者，誠以臣之事君猶子事父母，父母疾雖不可爲，未有不焦然操藥以進，割股以救，以冀倖於萬一。公之志亦若是則已矣。公受知於司農，屺瞻先生先生講學湖南，以明道復性爲首。公時過錢塘，從先生講學。湖南之蕭寺，余與先生同里，年十六受業於先生之門。聞先生說公文章行誼，猶能記憶之。及公死，南昌先生亦抗志閩浦之

圓盤村相去不踰月師友淵源守死蹈道抑何不約而同也世有惜公處不可爲之勢而必欲爲之似以公爲忠有餘而哲不足然則若文山疊山二公者夫非知其不可爲而爲之者歟又何足以知公也悲夫

董碩儒字纖佛崇禎癸酉舉人景州知州罷歸舊志崇禎十

六年闖賊陷承天分兵陷潛江竟陵京山明史紀事本末

國朝順治元年正月前中丞王揚基檄發兵恢復承天先取竟邑調京山鄉勇合竟邑土兵萬餘命原任景州刺

史董碩儒督之戰於萬人畷死之天門縣志兵防

京山縣志 卷之十二 忠義列傳 六

李哲邑諸生崇禎十六年倡義爲賊所獲不屈死勝朝殉節錄

乾隆四十一年

予祀忠義祠通志忠義傳

李哲以倡義爲僞防禦使陳蓋所獲罵賊不屈而死是

時文士殺身如王宣方士羽周鼎臣張先奎一作登魏賡

明吳鍾鼎吳重器李應命李東白郝應祥徐官猷徐官

政魏開先魏貞明王應銘王鴻功李滋熙晏光復晏繩

復附志於此舊志

馮伯七寶里人氣骨峻嶒慷慨好義爲鄉里推重被賊擄

罵不絕口賊知不從反釋之

舊志

盧天樹府庠生好學尙義有膂力智略僞防禦逼召之固

辭以頭觸柱血流被面舍去

府志

尙登龍崇禎貢生任武昌府學訓導癸未城陷死於難

縣志

國朝

賀泰來字元履順治三年貢授南漳訓導時鄖陽餘賊日掠南漳令浙人文弱泰來率鄉兵禦賊命二子拒戰多所斬獲遂以孤隊深入歿於賊泰來奮力往援竟同死焉孤孀淪落聞者悲之

京山縣志

卷之十二

忠義列傳

七

孝友列傳

明

唐奉先明洪武戊辰進士父本忠坐事繫獄奉先上書願代父刑高皇震怒幾並抵罪後更以爲賢貸其父遷奉先前軍都督府經歷

夏寵字時承正德五年麻陽賊數百人攻其家父闔門率僮捍敵久之力屈呼寵並逃寵以母新喪在堂不忍去遂縗服迎賊賊義之無所苦然欲要賄竟執以去數旬始放歸州太守欲上其事未果後領鄉薦未官卒

京山縣志

卷之十二

孝友列傳

一

鄭爲命繼母孫氏性卞喜怒命謹事之嘗訓其子曰古聖賢之所難能皆遭值不幸失愛於後母者耳居常坐侍孫前唯恐違忤其至性有不可及者

盧文榜字懷川子舍五十載藥食躬親衣不解帶走祀峨嵋過夔傾貲賑溺登山逢老父拄杖指示前後不爽皓首墓舍誠感芝鶴年踰大耋卒

彭美父病思肉食時大旱禁屠美禱於神割左乳以進父食之頓愈署縣郡丞劉公給匾旌之

何珮家貧習櫛工父病劇割股食之父遂起直指宋公批

縣詳云何佩未讀書知禮義而割股療親至性可嘉仰  
縣獎賞以風子道

張詔母王氏病累月思肉食山僻不近市詔割左乳烹進  
母食之卽愈事聞守道吳公旌其門曰篤孝

屈大光母病劇割股以進母病尋愈邑令龐公旌其門

陳國安年十三國定年九歲同母兄弟父喪母寡明未避  
亂母遇害二人共負母屍回葬楊彭團之陳家灣

李一瀚號飛雲寶香里人流賊擾亂瀚以母柩未葬不忍  
遠逃避於宅後古木上水漿不入口者五日賊去縱火

京山縣志

卷之十二 孝友列傳

二

瀚身入火中適棺爲賊燬負尸而出殮葬又收里中之

死於賊者二十餘人

李凌漢  
採訪

國朝

王潤邑人性至孝父染火疾憊甚割股療之得延至五旬  
方卒潤本工詩先達贈以聯云高吟直可參元白至性  
還能動鬼神

盧春炳號新陽性至孝父歿倚松爲廬芝生松下韓元少  
先生有蔭松堂瑞芝記前志載之

楊秩序縣戶書父九鼎久病秩序割股調治稍瘥婦王亦



割股病良已邑令廉知慰候秩序賜其婦以金

熊魁楚字斗公康熙中歲貢生生平行己無玷卒年八十

有九崇祀鄉賢子以謙字六皆亦歲貢生官竹溪訓導

以孝友聞

湖北通志  
孝義傳

孫純祖字遇灝雍正中歲貢繹祖

貴州按察使另有傳

易簡字遠子順治中庠生少從學王樸園太史時學使屢以行夏之時題試士以不得佳文爲歉試京山仍命此題閱簡文喜曰得之矣遂補弟子員第一簡性伉爽友愛特篤兄應文初居他里爲某姓所凌簡憤迎歸以己

京山縣志

卷之十二

孝友列傳

三

宅讓兄而他徙焉

易鼎鉉字恪齋天性純孝父病噎侍食時輒流涕父衰不能行時負行隴畝間指話桑麻以慰親意父歿哀毀骨立葬後墓有陰流入壙遷葬見棺辟踊泣血不欲生其篤孝如此他若敬師庇隣更有非人所能及者

田蘭字心亭邑庠生乾隆辛丑五月隨父在田遊白谷洞父失足墮深潭心亭號痛躍潭中救父并殞焉邑紳易履泰表碣於潭上題曰孝子潭後人建亭其側名曰孝子亭

孔程字大禾 聖裔乾隆戊午舉人官河南湯陰知縣弟  
蘇字小禾乾隆辛酉拔貢生二禾爲孿生兄弟相貌性  
情文學無不相肖友愛異常自少至老未嘗一刻離也  
李鄧周宋游團人父病鄧周割股以進病遂愈易履泰勒  
石於所居村旁曰誠孝里後其孫丹玉亦割股療母病  
易崇垠續刻一石於其側曰雙孝里

喬芝稀三女橋人事繼母左氏孝左病篤芝稀禱神割股  
療母獲痊邑茂才羅夢桃爲寫圖題曰孝行可風并賦  
詩有幽闇有靈不見血之句石刻今在三女橋北喬氏

京山縣志

卷之十二 孝友列傳

四

祠內道光八年邑侯黃詳請 旌表坊立喬氏墓前  
王懋籌字慎遷東十團人事親純孝康熙間經邑令雷稟  
請旌表建坊

劉友邵湯堰畝人亞元劉彬父性仁孝母死卜葬施家畝  
大雪迷路邵跪祈晴天忽開霽

易傳英宋游團人父疾篤傳英割股以愈之  
辛從翼太陽團人父早喪事孀母以孝聞妻王不得母歡  
輒出之侍母病衣不解帶母歿以頭觸柱血流被面見  
者皆感泣

陳士銓邑恩貢性孝友家貧奉母甘旨不缺弟姪有緩急輒引與共北山列膠庠者多出其門年五十九卒

殷日璇監生殷德光子事親孝父死廬墓三年王學使獎以誠孝光前額

呂尙昉邑庠生性至孝侍親疾晝夜不解帶年五十七始入泮著有三冬引勵志歌等篇子前光庠生

呂繩章呂張團人事繼母孝愛異母弟如同胞弟早逝有遺腹子弟婦苦節撫之章復以一子過戶爲之力耕奉養弟婦咸豐七年飛蝗傷稼章田獨無亦異事也

京山縣志

卷之十二

孝友列傳

五

劉榮鰲三歲喪母十二喪父孝事繼母厚愛異母弟化鯤家貧獨力操作俾弟勤學得入邑庠

曹楠字引之邑庠生家寒教讀爲業一字不入公門每歲館金歸之父一文不敢私居近曹武集父日一往向夕必親往接不假他人事繼母如所生母病痢親爲浣滌父母沒淡食一百日不茹暈酒者三年

王學翰邑庠生家貧不能從師每牧牛讀書墟墓間性至孝母病風奉藥餌十餘年不倦又病痢穢污必自滌人以爲難

王學仲官廳團人性孝友弟沒遺一姪而貧仲推產於姪  
寒素終身

曹士順官廳團人兄弟三順居長父愛少子分產有一股  
稍厚爲順拈得父憂之未言也順揣知父意與弟易之  
父心大悅

曹聯官廳團人幼時父病服事不離者六年父沒哀毀骨  
立後以勤苦致富於佃之有父母者必多減租以助其  
養事諸父猶父爲同堂兄弟嫁娶者十三人

曹鍾清官廳團人父卧病五年清旦夕不離側父沒兄弟

京山縣志

卷之十二

孝友列傳

六

有力難養母者清獨任之並分財養諸姪以安母心  
王兆麟官廳團人父病割股以進夜夢其父曰子肉父所  
遺父可自食其肉乎醒以語其婦婦乃自割股和藥進  
之父病頓痊

彭隆修四合團人同治三年父死未殮賊突至家衆奔散  
修獨留守父屍賊擄至麻城日夜望家哭泣賊縱之歸  
竟以思親病卒

嚴大有宋河團人父卒母衰極貧無以養大有負母行乞  
飲食便溺皆須之縣令聞知賜以錢米用紅布數尺書

眞孝子也四字旌之

陳光祖晏王團人父亡母節守光祖奉事維謹母卒廬墓三年生平尤多善舉年七十三卒

張輝玠聞橋團人事嗣母孝母常笞玠玠順受不敢辯母病痢久所生皆不肯近玠獨親湯藥洗濯者累月玠尋病且死曰生不得母歡死葬不必如禮母聞之感悔張兆貴永隆河人事繼母孝母病割股以進病若失平日喜修補道路年甫四十卽得二孫人以爲孝行之報

吳啟富官廳團人割股療母病母死露棲墓間其弟爲構

京山縣志

卷之十二

孝友列傳

七

廬處其中三年後被擄不屈死

李崢嶸官廳團人庠生嘗爲母吮疽咸豐間賊至負母逃母沒善待其弟同治三年賊又至携家避山砦砦破嶸以己有孫携其姪奔他砦賊退合家無恙

鄧元龍石橋團人事親孝親沒三弟皆幼比長龍延師訓迪皆明大義嘗於室左右設卧榻時同寢有姜家大被之風

楊士順聞橋團人傭於學塾於勤讀者事惟謹苟言不及義輒正言匡之事母孝母病危割臂肉以進輒愈嘗秋

獲爲人夜守積其伴被狼舐痛極號走顧順不知所在  
天明見順酣卧房中亦不知何以至此殆有呵護者耶  
楊思安東橋團人父早喪事孀母至孝每時物出必先買  
以進母赴宴時有母未嘗者卽不食終身如是後臨終  
族隣咸聞空中有迎接孝子語

熊啟芳勝境團人性至孝母廢疾十餘年飲食起居不離  
左右母沒哀毀過禮不自知己年且五十也里人李殿  
九爲作傳貢生王士清題贊其後

汪謙性孝嘗刲股以治母病壬戌殉難

京山縣志

卷之十二

孝友列傳

八

蕭士望西城外人家貧壬戌負嗣母逃母渴望下山覓泉  
被擄逃出投楊軍門營守揚州數年歸嗣母已故望悲  
號泣血成疾而卒

吳曰培張家團庠生母病刲股以進疾頓瘳伯母無依奉  
養十餘年妻曾氏亦與夫同子瑞臣庠生

周品全黃土團人道光間舉孝義王學使批准給孝義堪  
欽四字

楊錫敏牧馬團人事繼母楊氏如生母待異母弟錫杰如  
同胞杰死代理家務以安弟婦雷氏心侍同母兄錫鍾

病殷勤至死錫敏歿子應貞幼楊氏悉心撫育曰吾以報乃父之孝也應貞能孝事其祖母及其生母亦與父同

廖恒瑞恒山石橋團人同母兄弟天性友愛飲食必同案出入必隨肩有二女並適張姓皆二十餘而寡有奇節王文杰東十團人事親純孝親沒廬墓三年於親族中貧者無不賙卹成全婦女節行多人奉 旨旌表建坊從祀孝義祠

李大鴻石女團人性友愛家產推豐於兄嘗有詩云兄弟

京山縣志

卷之十二

孝友列傳

九

難得產非難蘇子懿言仔細看花萼樓中施大被天明不覺五更寒年七十三卒

袁必鳳呂一里人立身孝義同治九年由學申詳學使張批准給壽義難及匾額

屈有瑗屈家團人性孝謹父母早卒依伯禹謨居伯病瑗割股療之尋愈

何作舟名流團人同治壬戌賊至母魏氏年已八旬餘不能行作舟不忍捨母去賊殺之棄其頭於堰母聞自縊死

從九李占元攀元東十團人少孤其母撫之成立弟兄友愛異常老而彌篤縣東徐店有兄弟涉訟者借宿其家感怡怡之情不訟而歸且生平輕財好施樂救人急咸豐甲寅襄陽道遣姪勦賊營於宅後元不吝所有以供軍用營主以齒頰流芳匾贈之

職員申玉珖字承珍東城外人隱於吏者也咸豐四年兵燹糧冊蕩然玉珖率同事詳細清理始得其大額勉強支持解欸無悞邑中公事多與襄辦耐勞潔己口不言功待人尤爽直歷數十年如一日母壽八十有一事之

京山縣志

卷之十二

孝友列傳

十

無倦前任張茗泉明府獎以孝行可風匾額子家安邑諸生

庠生李兆慶石女團人生性孝友侍父疾衣不解帶者累月父卒廬墓三月庚午房薦著有窮猿詩草年六十五卒

方宗錫性質孝嘗割股以療父病家貧父懼以侍疾誤其生理託言病瘳令去及父沒錫哀毀骨立其事祖母與母並依依如嬰孩焉